

A Rede Galega de Sementes prepara o seu XIII encontro a celebrarse na Alameda de Redondela.

Escrito por Redaccion @valminorinfo
Mércores, 01 Outubro 2014 23:26



Tralo encontro celebrado [en maio na Paradela de Gondomar](#), este mercado agrícola alternativo celebrarase o vindeiro sábado 11 de outubro na Alameda de Redondela. Organizado pola Rede Galega de Sementes, congregará a agricultores, artesáns e colectivos culturais dende as 10 horas da mañá. O mercado de sementes o fará unha hora máis tarde ata as 14 horas, reabrindo ás 16 ata as 19 horas. Obradoiros, xogos infantís, cine, exposicións e mesas de “intercambio de saberes” completan o programa deste XIII Encontro da Rede. En caso de choiva o encontro pasa á Feira de Gando de Redondela.

{jathumbnail off}

A Rede Galega de intercambio de sementes é un colectivo que traballa a prol de potenciar o uso de sementes de variedades tradicionais fronte as variedades comerciais. Estas últimas, “moitas veces híbridas e incluso tranxénicas, promovidas polas diferentes empresas multinacionais agroquímicas co apoio incondicional das distintas administracións”, segundo manifestaba o colectivo na Paradela de Gondomar.

Nese senso a Rede facilita a través do troco ou venda o uso, produción, mantemento e conservación de variedades antigas e locais de especies hortícolas e froiteiras, así como a conservación de especies forestais autóctonas e a promoción dos usos tradicionais das plantas silvestres, poñendo a disposición das labregas as ferramentas e recursos necesarios para acadar tal fin.

Programa do Encontro:

- 10h apertura da feira

-11h apertura da mesa de troco de sementes

-12h “II exposición da flora galega”

- 12h obradoiro infantil: mandalas vexetais

-14h xantar popular

-16.30h troco de coñecementos e saberes: mesa de redonda con sabios e sabias, e con tres temas de conversa: horticultura, fruticultura e plantas medicinais.

A Rede Galega de Sementes prepara o seu XIII encontro a celebrarse na Alameda de Redondela.

Escrito por Redaccion @valminorinfo
Mércores, 01 Outubro 2014 23:26

-17.30h obradoiro para crianzas e adultos de construción de espantallos

-18.30h obradoiro de extracción e conservación de sementes

alameda de redondela 11 de outubro

XIII ENCONTRO DA REDE GALEGA DE SEMENTES

- 10h Apertura da feira
- 11h Apertura da mesa de troco de sementes*
- 12h II Exposición da flora galega
- 12h Obradoiro infantil: mandalas vexetais
- 14h Xantar popular
- 16.30h Troco de coñecementos e saberes
- 17.30h Obradoiro para crianzas e adultos de construción de espantallos
- 18.30h Obradoiro de extracción e conservacion de sementes

*a mesa de troco
ha estar aberta
de 11 a 14
e de 16 a 19h

se chove,
movémonos á
feira do gando

